

YURIDIK GAZETA

УСТОЗ ХУҚУҚШУНОС

МУАЗЗАМ ЙЎЛ

МАМЛАКАТИМИЗ қонунчилигини мустақамлаш, қонун устуворлигини таъминлашдек шарафли ва масъулиятли ишда ўзининг бор билим ва тажрибаси билан ҳурмат қозongan таниқли хуқуқшунос, Ўзбекистонда хизмат кўрсатган юрист Ҳалима Муҳитдинова 85 ёшни қарши олди.

Иш фаолиятини прокуратура идораларида секретарликдан бошлаган Ҳалима опа Олий суд раислигига бўлган лавозимларда самарали меҳнат қилган. Жумладан, 1949-1952 йилларда Адлия вазири ўринбосари, 1952-1960 йилларда Республика прокуратура идораларида, 1960-1972 йилларда Олий суд раиси ўринбосари, 1972-1982 йиллар Олий суд раиси, 1982-1990 йиллар давомида Тошкент юридик техникуми (ҳозирги юридик коллеж) директори лавозимларида ишлаб келган.

10 февраль куни Тошкент юридик коллежида Ҳалима опанинг 85 ёшига бағишланган юбилей кечаси бўлиб ўтди. Кечани коллеж директори М.Сатторова кириш сўзи билан очиб, Х.Муҳитдинованинг хуқуқшунослик соҳасига кўшган улкан ҳиссаси бугунги кунда хуқуқ-шунос кадрлари тайёрлашда қанчалик кўл келаётгани ҳақида гапириб ўтди. Шунингдек, кечада сўзга чиққан Олий суд раиси У.Мингбоев, Республика Бош прокурорининг 1-ўринбосари А.Эргашев, Адлия вазирининг 1-ўринбосари Ф.Раҳимов ва бошқалар эл-юрт тинчилиги ва осоишталлигини таъминлаш, Ватанимизга етуқ хуқуқшунос кадрларни тайёрлашда Х.Муҳитдиновадек инсонларнинг салоҳияти, билими ва айниқса тажрибаси зарурлигини алоҳида таъкидлаб ўтдилар.

Суратла: Олий суд раиси У. Мингбоев Х. Муҳитдиновани кутлуг ёши билан кутламоқда.



А. ТУРАЕВ фотолари.

Ҳафтанинг муҳим воқеалари

5 февраль
Ўзбекистон Республикаси Вазирлар Маҳкамасининг "Она ва бола давлат дастури тўғрисида"ги қарори эълон қилинди.

7 февраль
Оксаройда юртбошимиз Ислам Каримов Туркия Республикасининг мамлакатимиздаги Фавқуллода ва мухтор элчиси этиб тайинланган Решит Уман, Нидерландия Қироллигининг Ўзбекистондаги Фавқуллода ва мухтор элчиси Тидо Хофсти, Словакия Республикасининг Фавқуллода ва мухтор элчиси этиб тайинланган Игор Фурдик ҳамда Янги Зеландиянинг Фавқуллода ва мухтор элчиси этиб тайинланган Жеф Вордлардан ишонч ёрликлари қабул қилиб, уларнинг дипломатик фаолиятларига муваффақиятлар тилади.

8 февраль
Оксарой қароргоҳида Президент Ислам Каримов Испания Қироллигининг мамлакатимиздаги фавқуллода ва мухтор элчиси этиб тайинланган Хосе Луис Кресло де Вега, Кипр Республикасининг мамлакатимиздаги Фавқуллода ва мухтор элчиси этиб тайинланган Хираламбос Иоаннидис, Финляндиянинг Ўзбекистондаги Фавқуллода ва мухтор элчиси этиб тайинланган Тапио Саарела, Исландиянинг республикамиздаги Фавқуллода ва мухтор элчиси этиб тайинланган Жон Эгил Эгилсон жанобларидан ишонч ёрликларини қабул қилиб, уларнинг Ўзбекистондаги фаолиятларига муваффақиятлар тилади.

9 февраль
Сўз мулкисининг султони, буюқ шоир ва мутафаккир, улуг бобокалонимиз Алишер Навоий таваллудининг 560 йиллиги пойтхатимиздаги Ўзбекистон миллий боғида ва бутун мамлакатимизда кенг нишонланди.

Моҳият
Ҳеч нимани
қонунни
билганимиз-
дек ёмон
билмаймиз.
О. Бальзак



ГЕРОИН ХАВФИ

XX асрнинг мудуиш мероси бўлган гиёҳвандликнинг янги юз йилликда ҳам дунё кўксидеги оғир жароҳат бўлиб қолиш хавфи бор. Бу хатардан қутулиш учун жаҳон ҳамжамияти барча имкониятларни ишга солган ҳолда унга қарши кураш олиб бормоқда. Бироқ гиёҳвандлик инсоният ҳаётига тумандай ёпирилиб кирмоқда, наркоманлар сони ортиб бормоқда. Бу эса соғлом кучларни янада хушёр бўлишга ундайди. Ҳўш, нима қилиш керак? Ундан қутулишнинг қандай йўллари бор? Гиёҳвандликка қарши кураш талаб даражасидеми? Муҳбиримизнинг Хоразм вилояти прокурори, адлия катта маслаҳатчиси Дилшод ИСРОИЛОВ билан шу хусусда қилган суҳбати билан газетанинг 2-саҳифасида танишасиз.

Кейинги сонда
Фаргона водийсида
фаолият кўрсатган
жиной гуруҳ
фаолиятига бағиш-
ланган суд очерки
билан танишасиз.

ТАДБИР

ЛОЙИҲА МУҲОКАМСИГА БАҒИШЛАНДИ

Тошкент шаҳар прокуратура-сида янги тахрирдаги "Прокуратура тўғрисида"ги қонун лойиҳасига бағишланган мажлис бўлиб ўтди. Мажлисга шаҳар прокурорининг ўринбосари О. Холматов раислик қилди ва қонуннинг янги тахрирда ишлаб чиқишли зарурати, эски тахрирдаги қонундан фарқли жиҳатлари тўғрисида маъруза қилди.

Шундан сўнг қонун лойиҳаси юзасидан муҳокама бўлиб ўтди. Муҳокамада С. Раҳимов туман прокурори Б. Пўлатов, Чилонзор туман прокурори З. Ибрагимов ва бошқалар сўзга чиқиб, қонун лойиҳаси тўғрисидаги ўз тақлиф ва мулоҳазаларини ўртага ташлади.

Йиғилишда ўртага ташланган тақлифлар жамланиб, Олий Мажлисга тақдим этилишига келишиб олинди.

ОГОҲЛИК

ФАРЗАНДЛИК БУРЧИ

Маълумки, бу йил халқимиз мустақиллигимизнинг 10 йиллигини нишонлайди. 10 йил. Тарих учун кўз очиб юмгунчалик вақт аслида. Аммо шу ўтган йиллар мобайнида республикамизда асрларга татигулик ишлар амалга оширилди.

Баъзилар мустақилликка осонгина эришганимизни айтиб, бунга мустақил тузумнинг парчаланишини сабаб қилиб кўрсатишади. Балки улар маълум маънода ҳақдорлар. Бироқ мен бу фикрга сираям қўшилмайман.

Айнан мустақиллик туфайли биз ёшлар собиқ "изм"ларнинг нечоғлик сохта эканлигини, тарихимизнинг шу давргача бузиб кўрсатилганлигини англаб етдик. Бугун Ўзбекистоннинг ҳақиқий тарихини ўрганар эканмиз, халқимиз эрк, озодлик, миллий истиқлол учун неча асрлардан буюн курашиб келганлигининг гувоҳи бўламиз. Бунинг учун узоққа бормай, яқин ўтмишимиздаги қатоғон қурбонлари буюқ аждодларимиз Чўлпон, Фитрат, Абдулла Қодирийларни эслашнинг ўзи кифоя...

... Бу курашлар хали ҳам ниҳоясига етгани йўқ. Мустақиллигимизни қўрқолмаётган, осоишталлигимизга раҳна солмоқчи бўлганлар ҳамон ўз қора ниятлари билан атрофимизда кезиб юришибди. 1999 йилдаги 16 февраль воқеалари, Сурхондарё вилоятининг Узун ҳамда Сароисеб туманларида содир этилган босқинчилик ҳаракатлари ана шу ачинак ҳақиқати англаб, ҳар қадамда огоҳ бўлишимизга туртки бўлди.

Юртимиздаги бугунги тинчлик, барқарорлик не-не жон-

лар, қонлар эвазига сақлаб турилганлигининг тирик гувоҳиман. 2000 йилнинг ёз ойларидеки Андижон вилоятининг Избоскан туманида бир гуруҳ террорчи шахслар билан бўлган қуроли тўқнашувларда дадам Баҳодир Хошимов ҳалок бўлди. У киши вилоят ИИБнинг жамоат тартибини сақлаш бўлими бошлиғи, ички хизмат полковниги эдилар.

Тирикликлариде дадам бизларга адолат, ҳақиқат ва виждон ҳақида жуда кўп гапирардилар. У киши доим бизларга ёлгон гапирмасликни ўқитардилар. Ҳамиша тўғри сўз, виждонли бўлиб ўсишимизни истар эдилар. Оқибат ўз умрлари билан сўнгги сабоқни, адолат учун керак бўлса қурбон бўлишни ҳам кўрсатиб кетдилар, назаримда.

Мен дадам билан фахрланаман. Ўз навбатида ана шу фахр туйғуси зиммамга улкан масъулият ҳам юклайди. Мен бу масъулиятни дадам ўргатган адолат ва ҳақиқат шиори билан оқлашга, мустақил диёримизнинг янада гуллаб яшашига ўз хиссамни қўшиш орқали бажаришга умримнинг охиригача ҳаракат қиламан.

Бахтиёр ҲОШИМОВ,
ТДЮИ 3-хуқуқ факультети 1-курс талабаси



